



LAPORAN  
TAHUNAN | 2013



# LAPORAN LEMBAGA

# **KEPADА SEMUA ANGGOTA KOPERASI AMANAH IKHTIAR MALAYSIA BERHAD (KOOP SAHABAT)**

## **LAPORAN LEMBAGA KOPERASI**

Assalamualaikum dan salam sejahtera kepada semua anggota Koperasi Amanah Ikhtiar Malaysia Berhad yang budiman. Bagi pihak Lembaga Koperasi, saya dengan sukacitanya membentangkan Laporan Lembaga Tahunan untuk Tempoh Kewangan 30 Ogos 2012 sehingga 31 Disember 2013.

### **1.0 PENGENALAN**

Koperasi Amanah Ikhtiar Malaysia Berhad atau lebih dikenali dengan nama Koperasi Sahabat telah menyambut ulangtahun pertamanya pada 30hb Ogos 2013 yang lalu. Sejakar dengan moto penubuhannya iaitu "Dari Sahabat, Kepada Sahabat, Untuk Sahabat", Koperasi Sahabat telah berjaya menceburi pelbagai sektor perniagaan di mana objektifnya adalah bagi meningkatkan ekonomi anggota-anggotanya melalui prinsip koperasi yang telah ditetapkan oleh Suruhanjaya Koperasi Malaysia.

### **2.0 PRESTASI KEWANGAN**

Dalam laporan kewangan 2013 yang dibentangkan, prestasi Koperasi Sahabat adalah memberangsangkan walaupun ia baru ditubuhkan dan mula beroperasi sepenuhnya pada Jun 2013.


Bagi tahun kewangan berakhir 31 Disember 2013, Koperasi Sahabat mencatatkan pendapatan operasi sebanyak **RM 949,577** dan selepas ditolak kos langsung, keuntungan kasar koperasi yang dicatatkan adalah sejumlah **RM 423,979**.

	<b>(RM)</b>
Hasil / Pendapatan	949,577
Kos Langsung	(525,598)
Untung Kasar	423,979
Pendapatan Lain-lain	7,502,994
Perbelanjaan Operasi	(2,550,061)
Keuntungan Bersih	5,376,912
Aset	310,299,429
Liabiliti	(3,844,243)

Secara keseluruhan, pencapaian keuntungan bersih Koperasi Sahabat dalam tahun 2013 berjumlah RM 5,376,912 dan ia adalah memberangsangkan.

### 3.0 DANA KOPERASI


Sehingga 31 Disember 2013, Koperasi Amanah Ikhtiar Malaysia Berhad telah menerima dana AIM, Modal Syer dan Fi Masuk dengan jumlah keseluruhan bernilai **RM 42,671,519.07**



Carta 1: Jumlah pecahan dana Koperasi Amanah Ikhtiar Malaysia Berhad

### 4.0 KEANGGOTAAN KOPERASI

Sehingga 31 Disember 2013, Keanggotaan Koperasi adalah seramai 117,782 orang dengan jumlah modal syer sebanyak **RM 35,530,130.00**.



Carta 3 : Pecahan keanggotaan Koperasi Amanah Ikhtiar Malaysia Berhad sehingga 31 Disember 2013

## **5.0 DIVIDEN**

Bagi tahun kewangan berakhir pada 31 Disember 2013, Anggota Lembaga Koperasi Amanah Ikhtiar Malaysia Berhad telah memutuskan cadangan bayaran dividen sebanyak **4%** dengan peruntukan sebanyak RM 1,414,005.20. Cadangan peruntukan dividen sebanyak 4% ini adalah berdasarkan kepada pencapaian keuntungan bersih kumpulan Koperasi 2013 berjumlah RM 5,376,912.00 juta dan jumlah modal syer anggota berjumlah RM 35,530,130.00 juta pada akhir tahun 2013.

## **6.0 PELABURAN KOPERASI**

### **6.1 Had kuasa melabur**

Mengikut minit mesyuarat Agung Permulaan, had bagi pelaburan adalah tidak boleh melebihi RM 500 juta.

Ini adalah bagi mengelakkan daripada koperasi mengalami keberhutangan yang sangat tinggi dan tidak dapat menampung kerugian.

### **6.2 Pelaburan Semasa Sehingga 31 Disember 2013**

#### **6.2.1 Perhotelan**

Pembelian 100% Ekuiti dalam pemilikan Carlton Holiday Hotel & Suite, Shah Alam berjumlah RM3,500,000.00 dan modal operasi awal sebanyak RM730,000.00.

#### **6.2.2 Ar- Rahnu Biro Gadaian ( ABG )**

Pembukaan Cawangan Ar-Rahnu Biro Gadaian ( ABG ) yang pertama di Pasir Tumboh, Kelantan dengan kos modal harta sebanyak RM500,000.00 modal perniagaan sebanyak RM3,500,000.00.

#### **6.2.3 Produk Pinjaman I-Usahawan**

Pelaksanaan Pinjaman I-Usahawan (RM51,000.00 – RM300,000.00) dengan Modal sebanyak RM8,000,000.00. Sehingga 31 Disember 2013 seramai 21 Orang Anggota Koperasi telah menerima modal pembiayaan dengan jumlah terkumpul RM 2,256,000.00 dan sebanyak 21 permohonan baru dalam proses kelulusan dengan jumlah pembiayaan sebanyak RM 4,893,000.00. Sebanyak 20,000,000.00 lagi akan di peruntukkan bagi produk I-Usahawan tertakluk kepada Modal Syer Koperasi.

#### **6.2.4 Program 'Get Malaysian Business Online' ( GMBO )**

Pihak Koperasi Sahabat menjadi pemudahcara untuk sahabat Amanah Ikhtiar Malaysia memohon geran Kerajaan 'Get Malaysian Business Online' ( GMBO ) yang disalurkan melalui Suruhanjaya Multimedia Malaysia (SKMM). Setiap sahabat yang menerima geran disediakan laman sesawang sendiri yang dibangunkan oleh konsultan serta latihan untuk mengemaskini 'website' masing-masing. Sahabat turut diberikan aplikasi tambahan iaitu eBazaar satu aplikasi 'mobile' yang membolehkan Sahabat memasarkan produk mereka di atas talian.

Sehingga Disember 2013, seramai 18,478 orang Sahabat AIM yang telah diluluskan oleh SKMM untuk menerima geran GMBO.

#### **6.2.5 Perkhidmatan Latihan**

Koperasi Amanah Ikhtiar Malaysia Berhad telah menjadi operator latihan kepada sahabat-sahabat Amanah Ikhtiar Malaysia dalam bidang keusahawanan dan perladangan. Sepanjang tahun 2013 sebanyak 16 program telah dilaksanakan seperti dibawah :

- 5 Kursus pertanian
- 10 Seminar keusahawanan
- 1 Bengkel Keusahawanan

Dengan jumlah peserta seramai 1,667 Sahabat.

### **6.3 Pelaburan dalam Proses Rundingan, Pembelian Atau Perlaksanaan.**

Sehingga 31 Disember 2013, perancangan pelaburan adalah tertakluk kepada modal syer, dan pinjaman daripada institusi kewangan.

#### **6.3.1 Hartanah**

Perancangan pembelian bangunan kedai 2 lot 3 tingkat di Kepayang Commerce Square, Seremban, Negeri Sembilan dengan jumlah pelaburan RM 1,617,998.00.

#### **6.3.2 Sektor Pengilangan**

Pelaburan dalam industri makanan dengan mengambil alih 100% ekuiti dalam Alif Retort Sdn Bhd berjumlah RM 9,000,000.00 daripada Sime Darby Berhad dan menunggu proses kelulusan.

### 6.3.3 Sektor Perladangan

Pelaburan dalam sektor peladangan dengan pembelian ekuiti 100% Syarikat Eco Tropika Sdn Bhd dan anak syarikatnya iaitu Gemalai Plantation Sdn Bhd yang melibatkan tanah dan kelapa sawit yang telah beroperasi selama 6 tahun seluas 2,430 ekar berjumlah RM59,535,000.00. Pelaburan ladang ini dirancang untuk mendapat pembiayaan institusi kewangan sebanyak 70%.

## 7.0 PENGURUSAN RISIKO

Koperasi Sahabat menekankan pengurusan risiko bagi memastikan kewangan anggota ditadbir urus dengan cekap dan memenuhi piawaian yang telah ditetapkan serta mematuhi ketetapan Undang-undang Kecil Koperasi, Garis Panduan Koperasi dan juga Akta Koperasi 1993.

Koperasi Sahabat telah mengambil beberapa pendekatan secara menyeluruh untuk mengenalpasti, mengurangi serta mengurus risiko di dalam perancangan pelaburan baru dan juga sedia ada, perancangan dan perlaksanaan aktiviti serta pengurusan aktiviti.

## 8.0 SUMBER MANUSIA

Bagi tahun 2013, urusan pentadbiran dan pengoperasian Koperasi Amanah Ikhtiar Malaysia Berhad diuruskan oleh seramai 36 orang kakitangan dengan 6 orang kakitangan yang dipinjamkan oleh Amanah Ikhtiar Malaysia dan 30 orang adalah kakitangan yang baru dilantik oleh Koperasi. Sejajar dengan perkembangan operasi dan aktiviti yang dijalankan, kedudukan perjawatan yang telah diisi sehingga September 2014 adalah seramai 36 orang kakitangan.

NO.	JAWATAN	2013	SEPT 2014
1.	Pengurusan Kanan	6	6
2.	Eksekutif	3	4
3.	Pegawai Eksekutif	2	7
4.	Pen. Pegawai Eksekutif	2	2
5.	Kumpulan Sokongan	22	23
<b>JUMLAH</b>		<b>35</b>	<b>42</b>

Tadbir urus koperasi adalah berlandaskan kepada Undang-undang Kecil Koperasi, Garis Panduan Koperasi dan juga Akta Koperasi 1993. Segala keputusan yang melibatkan pelaburan mesti mendapat kelulusan dari pihak Suruhanjaya Koperasi Malaysia (SKM).

## **9.0 HARAPAN MASA DEPAN**

Melihat kepada perkembangan Koperasi dan kemasukkan modal syer dari simpanan tabung kumpulan sahabat yang berterusan serta mengekalkan 5 teras utama koperasi iaitu pembiayaan, hospitaliti, pajak gadai islam (Ar-Rahnu), perladangan dan sektor harta tanah, koperasi dapat berkembang dengan lebih cepat dan mendapat pulangan keuntungan yang lebih tinggi seterusnya memberi dividen kepada anggota-anggota koperasi.

Lembaga berpendapat dengan iklim ekonomi dan politik yang stabil serta sokongan Kerajaan dalam memastikan Malaysia menjadi sebuah Negara berpendapatan tinggi, Koperasi Sahabat mempunyai masa depan yang sangat baik dalam mencapai sasaran serta meningkatkan nilai aset Sahabat dari kedudukan sedia ada. Harapan Lembaga Moga Allah mempermudahkan jihad ekonomi ini untuk Sahabat dan Bangsa, Wasallam.



YBhg Datuk Dr. A. Manaf Bin Hussin  
Pengerusi

[www.sahabatikhtiar.com.my](http://www.sahabatikhtiar.com.my)



KOPERASI AMANAH IKHTIAR MALAYSIA BERHAD  
Lot 2-3,2-3A & 2-5, No 3,  
Jalan Cempaka SD12/1A,  
Bandar Sri Damansara, PJU9,  
52200 Kuala Lumpur  
TEL : +603.6270.1236  
FAK : +603.6270.1237